



西湖志

十一

才情雅致

餘

共十六

ル 5
1097
11



1097
11



西湖遊覽志餘第十一卷

才情雅致

錢唐

汝成
高師
相印

梁貢父曾燕京人大德初為杭州總管嘗作西湖送
春木蘭花慢詞云問花花不語為誰落為誰開算
春色三分半隨流水半入塵埃人生能幾歡笑但
相逢樽酒莫相推千古幕天席地一春翠繞珠圍
彩雲回首暗高臺烟樹渺吟懷拚一醉留春留春
不住醉裏春歸西樓半簾斜日怪啣春燕子却飛
來一枕青樓好夢入教風雨驚回此詞格調俊雅

西湖遊覽志餘第十一卷

不讓宋介也

小雲石海涯者阿里海涯之孫也其父名貫只哥雲石遂以貫爲氏號酸齋年十二三膂力絕人使健兒驅三惡馬疾馳持槊立而待馬至騰上之越二而跨三運槊生風觀者辟易或挽彊射生逐猛獸上下峻阪如飛諸將咸服其趨捷稍長折節讀書目五行下吐辭爲文不蹈故常意旨皆出人意表仁宗時爲翰林學士稱疾還江南賣藥錢唐市中結盧龍華山詭姓名易服色人無識者偶過果山灤見澳父織蘆花爲被欲易之以紬澳父疑其爲

人陽曰君欲吾被當更賦詩遂援筆賦云採得蘆花不浣塵翠簑聊復藉爲裯西風刮夢秋無際夜月生香雪滿身毛骨已隨天地老聲名不讓古今貧青綾莫爲鴛鴦妬欸乃聲中別有春竟持被去人間喧傳蘆花被詩其依隱玩世多類此酸齋有二妾名洞花幽草酸齋臨終有辭世詩云洞花幽草結良緣被我瞞他四十年今日不留生死相海天秋月一般圓

貫雲石隱居錢唐一日郡中數衣冠士人遊虎跑泉飲間賦詩以泉字爲韻中一人但哦泉泉泉久不

西泠詩集卷二
能就忽一叟曳杖而至問其故應聲曰泉泉泉亂
迸珍珠箇箇圓王斧斫開頑石髓金鈎搭出老龍
涎衆驚問曰公非異酸齋乎曰然然然遂邀同飲
盡醉而去

鄧善之文原其先綿州人父漳徙錢唐遂爲錢唐人
至元中爲杭州路儒學正以春秋立教累官翰林
侍講學士辭官還錢唐盧亘作詩十首送之其一
云北門古深嚴論思寄壽度自非鴻才士訓諾何
由作夫君出巴蜀文亦不動京洛十年掌絲綸擢藻
揚景鑠荆璞抱瑾瑜龍淵淬鋒錐肯獻上林賦寧

居天祿閣卽今觀浙江眷戀睇金雀黃圖鬱紫氛
絳節生碧落依然難爲情清霜養飛蓬其二春秋
嚴筆削凜若執玄鉞君獨抱遺經結髮飽剗劖明
剖是非心微探義理窟下視羣兒愚爭端王正月
竭來奮直筆浩然心思竭王功與帝德昭昭日月
揭胡爲厭詞林南欲觀溟渤榮華若浮烟汗簡青
不滅其三詞林富聲華幾人得精悍悠悠三百年
篇翰孰承續夫君清廟器裸薦盛圭瓚五就惜繁
纓九旂載雲罕依依風向翔忽忽月新滿冷然時
雨情短章不可斷其四風雨始芳華稂莠深嘉穀

西河會集卷一
天地豈不仁盛德稟命獨明廷萃羣英四門延穆
穆旣卜渭水釣又起傅岩築聲華何及業衆輻輳
一轂鑿坡儼清韻頌人歌在軸願言往從之星駕
命宜夙豈知彼玄鳥戢翼辭雲屋幸無素絲悲庶
免窮途哭其五離離天星高皓皓雲月光候鴈過
楚澤蟋蟀鳴中堂天時詠難測徒然多感傷念子
去意遠沉憂結衷腸憶昔初奉歡露白春蘭芳清
尊寵新製妙趣深濠梁飛景急西匿川流浩湯湯
玄髮淒歲晚木脫天雨霜蔓草豈容惜松柏在高
岡其六翰林子元子武庫森戈矛英聲邁千古逸

韻橫九州與君契金蘭投分何縹緲清和謝夷惠
典刑追韓歐坐令人文煥允塞昭王猷念君獨遠
邁寥落行人愁木瘦楚山曉風靜寒江流何當駕
飛車却憶崑崙丘塵埃滿腥腐朝暮同蟬蛸其七
賜谷上寒日影射扶桑枝瞬息及中天流光迅難
持人生百年內昂昂何所施孤鴻東南征浮雲西
比馳可憐萬感身會合須臾期安得弄明月皎皎
遠憂疑折花芙蓉浦蕩槩江潢涯優游以卒歲身
名良不墮其八游雲蒼鱗寄閭闔不可叫徒令虎
豹關日月近輝耀濛濛八表塵隱隱萬彙竅泯然

一歸途伊誰執其要栖栖聖者徒禮樂懷幻眇閉
門忍朝饑風雨深蓬蓼今年江海去光景短螢燭
禾黍滿故墟閭巷餘逐照揮絃送飛鴻古今入長
嘯其九昔我遠吳會日夕承歡顏高堂樂起舞綵
服何嫵爛東海洶波濤西湖翠烟鬟北歸餘十年
謬蹟通朝班家禍一朝集音容何可攀悲號蒼穹
迥徃事思日艱命窮時亦迫志弱體自孱安得騰
化術從君超人寰執手不忍訣臨風涕空漣其十
我思君勿思君歸我當憶十年膠在漆一旦各異
域吳江激微波震澤岸起溟色鷓鴣隔天地鴈鴛雜

南北念我平生友愴恨摧胸臆獨看燕山雲歲暮
日初晏永言長風翔情寄南鴻翼

虞伯生寄浙江提舉鄧善之詩山雨不來喧靜夜汀
雲猶爲護晴朝一群青雀墻花老幾箇黃鸝苑樹
遙何有深心期管樂獨無高步接松喬未能逕去
成飄忽且可相從慰寂寥戴表元送砥平石歸天
竺兼柬鄧善之詩聞說西湖也自憐君行况是早
春天六橋水暖初楊柳三竺山深未杜鵑舊壁苔
生尋舊刻新岩茶熟試新朶城中諸友須相覓西
蜀遺儒草太玄

西清三會卷一
五
陳衆仲旅莆田人元統初爲江浙儒學副提舉陸天錫贈詩云江南少識陳衆仲闕下才名北斗齊直閣每縱花底見揮毫曾向御前題觀魚小海鳳新浴立馬上林鶯亂啼今日西湖堤上路獨騎款段踏春泥衆仲在任雅好湖山意有所屬便乘興獨徃流連竟夕得佳句則欣躍而歸後爲應奉翰林有元夕懷錢唐詩云武帝親祠太乙神流光洵旭動星辰竹宮典禮猶存漢軹道山河已易秦香逕至今啼木客露盤無復泣金人紅燈幾點東風裏猶是元宵一度春

虞伯生集臨川人少不偶浪遊錢唐一日借楊仲弘范德機訪微煉師於湖西求召僊鬼煉師置箕懸筆書符作法有頃箕動筆運書曰某當境神也煉師叱曰吾不召汝復書曰欲乞虞公撰一保文申達上帝以求陞耳衆勸伯生許之翌日文成焚之湖濱逾旬再詣煉師禱召神復降曰某已獲授城隍謹候謁謝公必貴顯幸毋自怠旣而伯生由校官至奎章閣侍書學士封仁壽郡公始信神言之不妄也

伯生嘗與歐陽原功陳衆仲歌宋高宗所改于國寶

沁園春詞尋腔再度心曠神怡遂援筆書之復作
 一絕繼其後云重扶殘醉西湖上不見春風見畫
 船頭白故人無在者斷橋楊柳舞青烟又與張伯
 雨善寓開元宮盤桓累月題其來鶴亭云羣真終
 夜降華陽會聽僊音近玉床語罷是誰留別鶴待
 君寥廓共馳翔又云亭前春雨長蒼苔海鶴長鳴
 一日來從此琴心三疊裏月明時見影徘徊
 楊仲弘載其先浦城人後家錢唐與虞伯生揭曼碩
 范德機齊名時稱虞楊范揭云洪武初祀於杭學
 鄉賢祠仲弘詩以宗陽宮玩月為絕倡然他作如

風○雨○五○更○鷄○亂○叫○江○湖○千○里○鴈○相○呼○挾○書○萬○里○朝
 明○主○仗○劍○三○年○別○故○鄉○廳○間○夜○雨○消○銀○燭○城○上○春
 雲○壓○絲○旗○空○桑○說○法○黃○龍○聽○貝○葉○翻○經○白○馬○馱○沉
 雄○典○實○行○葦○推○之○又○湖○上○書○所○見○詩○采○蓮○女○郎○蓮
 花○肥○藕○絲○衣○裳○難○剪○裁○瞥○然○一○見○唱○歌○去○荷○葉○滿
 湖風雨來

黃潛贈仲弘詩別離驚夜雨蹉跎媿後塵祇今才有
 數多爾術能神王唾春風濕烟霄碧樹新謬慚推
 吏事吾敢望平津杜清碧寄仲弘詩老來自愛黃
 叔度少日真期畧仲連高卧獨無田二頃曳裾誰

有客三千滄波渺渺浮鷗鳥白日翩翩換歲年却
憶江東揚少尹劇談終夜不成眠

趙子昂孟頫宋秦王德芳之後也居湖州仕元爲浙
江儒學提舉翰林院學士世宗嘗問葉李留夢炎
優劣子昂對曰夢炎臣之父執有大臣器帝曰汝
以夢炎賢於李耶夢炎在元不爲狀元位至丞相當
賈似道誤國罔上夢炎依阿取容李布衣乃伏闕
上書言是賢於夢炎也汝以夢炎父友不敢斥言其
非可賦詩譏之子昂所賦詩有往事已非那可說
日將忠直報皇元之語議者謂子昂適所以自譏

也其西湖絕句詩云春風柳絮不能飛雨足蒲芽
綠更肥正恐前呵驚白鷺獨騎款段遶湖歸流連
光景異於黍離之感矣

鮮于伯機樞漁陽郡人爲浙江行省都事因居杭州
風流文雅與吳興趙子昂相伯仲遷太常簿子昂
嘗貌其神虞伯生贊之曰歛風沙表劍之豪爲湖
山圖史之樂翰墨軼米薛而有餘風流擬晉宋而
無作是以吳興公運畫沙之錐刻希世之王使千
載之下眼識二妙于遐邇伯機有鶴死非命瘞之
西湖士夫多有詩悼之梁曾詩云翠栢屏前竹闌

曲幾見筵摠雪衣舞平生風雲萬里心零落湖山
一丘土世間萬事不可虞奇禍何由也到渠不見
嵇康遭殺戮令人空嘆養生書張伯雨詩杯衣凍
損雪爛爛碧落遊魂杳不還和靖船歸籠尚閉浮
丘經在壽能慳長身幣裹玄黃內舊蹟苔封紫翠
間擬撰瘞銘修故事寄書先寄九華山

伯機嘗蓄一蠻獅水滴瑩如碧玉鬚髮眉眼膚理衣
摺種種精緻蠻腦為竅置吸乃漢物也把玩未
嘗釋手一日於斷橋水閣倚闌偶墮吸子湖中百
計求之不得悒悒嘆形神凋枯既他往踰三年

復來斷橋俯瞰湖波適霜降水落泥漬星朗曩時
吸子儼然可掬便解衣泅取如獲至寶易號曰神
人獅子一時能詩者歌詠其事

張仲舉翥其先晉寧人父為杭州鈔庫副使因家焉
翥少時豪放不羈好蹴鞠喜音樂父憂之一旦翻
然易業閉戶讀書從仇仁近遠以詩文名海內累
官至翰林學士承旨所著有蛻庵集東西馬塍春
行東平湜伯客詩清明時節每多陰楊柳人家花
滿林潑火乍收連日雨賞春長負百年心鳧翁一
一塘蒲暖雉子斑斑隴麥深為報能詩平處士剩

西泠志卷之十一
携芳酒共幽尋。天竺訪項可立。不遇詩葛洪川畔。
千年寺路遶長松。一澗分潭影。首移行處岫嵐光。
白散望中雲。猿公吟處應思侶。鹿女銜花不亂羣。
常羨山僧專勝槩。水聲林下百無聞。清明雨晴遊
包山龍華寺。過慈雲嶺詩當年。玉輦此經行古寺。
猶題扈從名。龍鳳識空山。氣歇馬羊劫。換海波平
野。枕着雨春紅。落嶺路。靄雲濕翠生。日暮人歸烟
樹黑。飢鼯啼雨上宮城。春日泛湖詩。春來渾不到
湖邊。偶逐東風上畫船。花氣暖。曛黃鳥。峴水光晴
展白鷗。天綠樽興劇。頻呼酒。銀管聲高正。鞞絃我

比放翁應更放。看花不獨海棠顛。招韓伯清泛湖
詩。南園携手賞芳紅。喚取能歌盛小叢。傳與春風
畱杏萼。明朝開向曲聲中。段橋春水綠初柔。更有
群鳧來上遊。好借鷓鴣夷盛酒。去玉簫吹上畫船頭。
自悼詩十二樓空日自明。一圓一闕總關情。每從
畫裏瞻瓊在。復向詩中記受生。魂不歸來歌楚些。
夢還驚覺厭秋聲。遙知別鶴離鸞思。只在芙蓉海
上城。夢中常苦不分明。天上人間各有情。桃葉柳
枝無限思。靈芝。埤露可憐生。薰蘭謾織迴文錦。鸚
鵡猶傳響板聲。欲得近音何處問。風烟遮斷武林

城

張仲舉至正初為集慶路學訓導御史下學黜視廩膳隣齋出對云豸冠點饌是日適用驢肉仲舉戲續云驢肉作羹蓋御史河南人也聞之大怒欲逮捕之乘夜逃揚州時揚方全盛衆聞其名爭延致之仲舉肢體昂藏行則偏竦一肩韓介玉為詩嘲之云垂柳陰陰翠拂簷倚闌紅袖玉纖纖先王掉臂長街上十里朱樓盡下簾一座大笑時有相士在座或曰仲舉病鶴形也相士曰不然此雨淋鶴形也雨霽則冲霄矣後入大都致位通顯仲舉長

於詩其近體長短句尤工文不如詩而每以文自負常語人曰吾於文已化矣蓋未嘗構思也他日翰林學士沙刺班示以所為文請易置數字苦思者移時終不就沙刺班曰先生於文已化矣何思之苦也仲舉大笑蓋仲舉善詭引笑故戲之如此楊廉夫維禎初居吳山鐵冶嶺故號鐵厓既得鐵笛更號鐵笛雅好聲妓名徹都下葉居仲寄之詩云聞道西湖載酒還飛瓊弱翠擁歸鞍可無私夢登金馬剩有春聲到上蠻異國頓消鄉井念小堂新作畫圖看野人未納彭亨屐獨向清溪把釣竿晚

居淞江有四妾竹枝柳枝桃花杏花皆喜歌舞有
嘲之者云竹枝柳枝桃花杏花吹彈歌舞撥琵琶可
憐一箇楊夫子化作江南散樂家

楊廉夫湖上嬉春體五首其一今朝立春好天氣况
是太平朝野時走向南隣覓酒伴還從西壑買花
枝陶令久辭彭澤縣山公只愛習家池宜春帖子
題贈爾日日春遊日日宜其二西子湖頭春色濃
望湖樓下水連空柳條千樹僧眼碧桃花一枝人
面紅天氣渾如曲江節野客却似杜陵翁得錢酤
酒勿復較如此好懷誰與同其三何處被春惱不

徹好春最好是湖邊不須東家借騎馬自可西津
買蹋船鷺子遶林紅葉亂鳥雛衝浪碧花圓段家
橋頭猩色酒重點春衣沽十千其四入山十里清
涼國三百樓臺迤邐開岳王墳前吊南渡隱君寺
裏話西來接果黃猿呼一箇探花白鹿走千回風
流文采湖山主蘇白應須屬有才其五長城小姬
殊可憐紅絲新上琵琶絃可人坐上三珠樹美酒
沙頭雙玉船小洞桃花落香雪大堤楊柳掃晴烟
明朝紗帽青藜杖更訪東林十八僊秋日班恕齋
招飲湖上詩七月六日流火驕故人重有濠梁招

洗車快借雙星雨打鼓如迎八月潮下馬題詩岳
王寺解貂沽酒段家橋西湖顏面晚更好水晶宮
中吹玉簫

廉夫嘗訪瞿士衡以鞋盃行酒命其姪孫宗吉誄之
宗吉作沁園春以呈廉夫大喜卽命侍妓歌以侑
觴詞云一掬嬌春弓樣新裁蓮步未移笑書生量
窄愛渠儘小主人情重酌我休遲醞釀朝雲斟量
暮雨能使麴生風味奇何須去向花塵留蹟月地
偷期風流到處偏宜便豪吸雄吞不用辭任凌波
南浦惟誇羅襪賞花上苑祇勸金卮羅帕高擎銀

瓶低注絕勝翠裙深掩時華筵散未此心先醉此
恨誰知

廉夫西湖竹枝詞蘇小門前花滿株蘇公隄上女當
壚南官北使須到此江南西湖天下無鹿頭湖船
唱報郎船頭不宿野鴛鴦爲郎歌舞爲郎死不惜
真珠成斗量家住西湖新婦磯勸郎不唱縷金衣
琵琶元是韓朋木彈出鴛鴦一處飛湖口樓船湖
日陰湖中斷橋湖水深樓船無柁是郎意斷橋有
柱是儂心病春日日可如何更向西牕理琵琶見
說枯槽能卜命柳洲衙口問來婆小小渡船如缺

瓜船中少婦竹枝歌聲唱入空篋調不遣狂夫
橫渡河勸郎莫上南高峰勸儂莫上北高峰南高
峰雲北峰雨雲雨相催愁殺儂石新婦下水連空
飛來峰前山萬重不辭妾作望夫石望郎或似飛
來峰望郎一朝又一朝信郎信似浙江潮浙江潮
信有時失臂上守官無日消

楊仲弘和詞西子湖邊楊柳花隨風飄泊到天涯青
春遇着歸來燕啣入當年王謝家一種腰肢分外
妍雙眉盡作月娟娟春風吹破襄王夢行雨行雲
若箇邊宋誠夫和詞昔時家住黑橋街二十餘年

不往來憑仗使君一問訊楊梅銀杏幾回開薩天
錫和詞湖上美人彈玉箏小鶯飛度綠牕櫺沈郎
雖病多情在倦倚屏山不厭聽鄭明德和詞岳王
墳西是妾家望郎不見見棲鷗孤山若有奢華日
不種梅花種杏花張伯雨和詞光堯內禪罷言兵
幾翻御舟湖上行東京隣舍宋大嫂就船猶得進
負羹貢奉父和詞葛嶺東家是相門當年甲第入
青雲樓船車入裏湖去可曾望見岳王墳字文子
貞和詞蘇小門前騎馬過相逢白髮老宮娥自言
記得前朝事只說當年賈八哥賈治安和詞郎身

輕似江上蓬昨日南風今北風妾身重似七寶塔
南高峰對北高峰鄭慶父和詞北高峰頭儂望夫
望見西子下姑蘇脂塘水腥吳作沼莫將西子比
西湖黃子久和詞水儂祠前湖水深岳王墳上有
猿吟湖船女子唱歌去日落滄波無處尋唐子華
和詞門前楊柳亂吹花第一橋頭第一家馬上郎
君休挾舞柳枝深處有慈鴉陳子平和詞樓下攤
錢還上樓花前夜醉曉扶頭不知命犯何星宿一
日猖狂百日愁楊謹思和詞大船搥鼓銀酒缸小船
吹笛紅繡牕鴛鴦觸櫂忽散荷花深處又成雙

燕子來春鴈來秋曾見錢王衣錦游英雄謾說八
百里只管東西十四州獅子峰頭插將旗鳳凰山
下草離離三宮去後宮門閉恰似錢王納土時朱
仲文和詞南北高峰作鏡臺十里湖光如鏡開行
人有心都照見勸郎肝膽莫相猜歐陽彥珍和詞
第一橋邊第一家瓜皮船子送琵琶妾身自是良
家女不是當年蘇小家倪元鎮和詞愁水愁風人
不歸昨夜水沒釣魚磯踏盡蓮根終無藕着多柳
絮不成衣桐樹原垂金井西月明照見影離離不
比蘇公堤畔柳烏鴉飛過鵝鵝樓高敬臣和詞第

四橋頭第一灣看魚直上王泉山大魚已逐龍飛
去留得當時舊賜環于彥成和詞楊柳樹頭雙鷓
鴒雨來逐婦晴來呼鴛鴦到死不相背雙飛日日
在西湖丁復和詞上塘楊柳下塘陰阿儂愛人不
愛金塘水西來東入海水深不似阿儂深錢思復
和詞阿姊住近段家橋山姪娥眉柳姪腰東山井
頭黑雲起早回家去怕風潮鄰九成和詞妾家西
湖住橫塘門前楊柳萬條長憑郎醉後莫折斷留
待重來繫馬韁風篁領頭西日暉青龍港口新月
微放船過去還早在待取一迥夜歌歸馮士卿和

詞與郎情重為郎容南北相看只兩峰請看雙投
橋下水新開兩朵玉芙蓉顧進道和詞楊白花開
風滿天花開成絮不成綿不如落向西湖水化作
浮萍箇箇圓郎子別時秋月明說道歸時春水生
曉起門前聽過馬馬嘶都是別人行馬本道和詞
吳姬軋軋小車紅爭來陌上看春風不敢高聲唱
歌去恐驚丞相在船中百花樓頭聞馬嘶郎從花
裏鬪金鷄朝朝捲起朱簾望不是郎歸不下梯宋
無逸和詞十三女郎不出門父娘墓在葛山根同
携女伴踏青去不上道傍蘇小墳韋德圭和詞湖

中艇子風徐徐秋水蕩金芙蓉釣魚不是貪雙
鯉爲恐腹中藏素書張翥南和詞向高北高峰頂
齊錢塘江水隔湖西不得潮頭到湖口郎船今夜
泊西溪張希顏和詞孤山脚下路三叉孤山墓上
好梅花不似馬塍桃李隨春俱送到人家朱伯
常和詞小姑疑郎去不歸爲郎打瓦復鑽龜青山
尚有飛來日不信人無相見時完蘭石和詞花滿
蘇堤酒滿壺盡船日日醉西湖阿儂最苦兩離別
不唱黃鶯唱鷓鴣堤邊三月柳陰陰湖上春光似
海深遊人來往多如蟻半是南音半是音徐延徽

和詞西湖春草碧蕪綿上有青鈇母子全夜擣守
宮和血色盡將塗上五銖錢盡說西湖好莫愁不
知天上有牽牛騰拚萬斛胭脂水瀉向銀河一色
秋沈自誠和詞儂住西湖日日愁郎船只在浙江
頭憑誰移得吳山去湖水江波一處流

西湖竹枝詞楊鐵厓倡之和之者數百家大率詠湖
山之勝人物之美而情寓于中比比一律惟李介
石守道詞云春暉堂上挽郎衣別郎問郎何日歸
黃金臺高倘回首南高峯頂白雲飛吳復見心詞
云官河遶湖湖遶城河水不如湖水清不用千金

酬一笑郎恩才重妾身輕用意稍別

元時錢唐士女曹妙清字比玉號雪齋張妙淨字惠蓮號自然道人皆工詩章曹又善鼓琴行草皆有法度事母孝謹三十不嫁而風操可尚張曉音律情逸而才飄晚居姑蘇之春夢樓皆一時之淑媛也與楊廉夫為文字友曹嘗和其竹枝詞云美人絕似董嬌嬈家住南山第一橋不肯隨人過湖去月明夜夜自吹蕭張詞云憶把明珠買妾時妾起梳頭郎畫眉郎今何處妾獨在怕見花間雙蝶飛觀此二人之風致可想矣庶夫又嘗答妙清絕句

云紅牙管帶紫狸毫雪水初融玉帶袍寫得薛濤
嘗草帖西湖紙價頓能高玉帶袍者曹氏名硯其
云嘗草帖者狀其孝也

蕪夫嘗以竹枝詞索和于岷山郭羲仲羲仲以吳中
柳枝答之因賦詩云吳中柳枝傷春瘦湖中竹枝
湘水秋說與錢唐蘇小小柳枝愁是竹枝愁

張光弼是廬陵人至正時為行省左右司員外卜私
宅於壽安坊今之花市是也天台徐大章為之記
曰杭郡民廬比輳如櫛而壽安以當闐闐四達之
衝又最囂處也浙省左司員外郎張君光弼之居

在焉屋數楹其湫隘門戶外意塵闕如也或曰小人射利惟贏之爲務乃不惡囂耳員外君日乘高車從丞相論決政事降登乎華堂粉署之間今卜私第不於爽塏是擇其何故哉君漠然不以爲意方自署其楹間曰晏居且謂一夔曰傳稱晏子之居近市雖湫隘弗易也吾居甚類之願自附焉子幸爲我記之吾於是知君之所以市居者矣夫踐歷華要宅高曠而處深靚以適其身固所宜也然地位峻絕不與人事接則耳目不能無蔽是故晏子之居市也物之貴賤無不察而知之方齊景公

繁於刑以誦責屨賤而景公省於刑今君之居壽安也大官貴人布衣革帶之士由茲坊而東西者必叩門上謁君則攝衣出迎引宣上座與肆議論下至閭閻之老工商技藝之流或有陳說亦必曲爲之盡天下之事當無有不心施諸有政將不止於一事之諷而已晏子所齊者食不重肉妾不衣帛名顯諸侯數言戰之下人聞其風采猶欲爲之執鞭獨念時公在位而政在陳氏晏子於區區晉莒之間則務農而於齊之大計則有未嘗數數爲者他日乃以齊國之大夫加竊

嘆焉何也張三黜而學完達故公提兵鎮江
浙時用材畧其謀其車府事子學赫然而退處
西湖之上一編賦其有用之
身較其風哉不一勝其命也乃今江浙之
地未全歸於版圖丞相用便其命表授君為從事
廓清之略克復之熱亦惟一左右是賴無或如
晏子之舉其細而遺其大也光弼罷官自號一笑
居士又號可間老人其時居室已廢友人凌彥冲
為疏募綠以輯之疏云昌黎寄王川子首稱洛城
破屋之數間東坡題綠筠軒終比揚州纏腰之十

萬一咲居士詩名優於張藉生計劣於陶潛囊無
一錢之留家徒四壁之立若非慷慨而多助安得
輪奐之一新即欲取杜工部草堂費何時可辦倘
豈得楊關西槐市整今歲無憂苟物物之可與則
處處之感宜但不至於虛文便可謂之實惠此崢
嶸事在特達心疏傳交遊皆助之其居始就當時
傳為盛事

光弼嘗作歌風臺詩云世間快意寧有此亭長還鄉
作天子沛公不樂復何為諸母父兄知舊事酒酣
起舞和兒歌眼中盡是漢山河韓彭誅夷黥布戮

且喜壯士今無多縱酒極歡留千日慷慨傷懷淚
沾臆萬乘旌旗不自尊魂魄猶在故鄉憶由來樂
極易生哀泗水東流不再回萬歲千秋誰不念古
之帝王安在哉每苔石刻今如許幾度西風灞陵
雨漢家社稷四百年荒臺猶是開基處一日乘酣
朗唱於瞿宗吉以界紙擊卓鏗然若金石也笑曰
吾死埋骨西湖題曰詩人張員外墓足矣

張光弼西湖十律詩其一樓外湖光白渺港樓中少
婦試新粧行年將近半百歲大醉豈能千萬場翠
織舞裙飛蛺蝶白描歌扇轉鴛鴦曲楊蒲院無人

到芍藥花開日正長其二且觀神女爲行雨莫問
郎官應列星芳草到門無俗駕好山終日在湖亭
白鷗共戲荷葉小黃鳥亂啼楊柳青肯信曲欄干
外立晚涼吹得酒都醒其三畫船湖上載春行日
日花香扇底生蘇小樓前看洗馬水僊祠下坐聞
鶯碧桃紅杏渾相識紫燕黃蜂俱有情惆悵繁華
成逝水盡歸江海作潮聲其四倩得名姬唱慢歌
翠塵直欲下輕波西風八月菱荷老落日滿湖鳧
鴈多到手莫辭雙盞欲轉頭又是一年過光陰只
在槐柯上奈此浮生樂何莫五百鎰黃金一咲

輕少年買得是狂名樽中酒釀湖波綠席上人傳
鳳語清蛺蝶畫羅宮樣扇珊瑚注教坊箏南朝
舊俗憐輕薄每到花時別有情其六湖上新泥雪
漸融門前溝水暗相通裙散萱草輕盈絲粉學櫻
桃淺淡紅暮雨欲來銀燭上春寒猶在酒尊空青
綾被薄不成夢又是一番花信風其七樓前芳樹
碧盈盈付與幽禽自在鳴堤上馬駝紅粉過湖中
人載酒船行日長鷺子語偏好風暖楊花體更輕
何恨才情被花惱獨教書記得狂名其八此日誰
人肯在家傾城滿意事繁華時菲上巳不爲節春

到牡丹纔是花注務髻雲鬟湖上女畫輪繡轂道傍
車兒童盡唱銅鞮曲未覺人間日易斜其九外湖
裏湖花正開風情滿意看花來白銀大瓮貯名酒
翠羽小姬歌落梅身外功名真土苴古來嘖聖盡
塵埃韶光如此不一醉百歲好懷能幾回其十王
局當年爲寫真西施宜笑復宜顰朝雲暮雨空前
夢桃葉柳枝如故人露電光陰千仞外魚龍波浪
一番新傷心最是浦橋宅半畝殘梅共晚春

張光弼初居楊完者左丞幕下頗有功業之思故其
詩云免胄日趨丞相府解鞍夜宿五侯家王孟行

酒聽春雨銀燭照天生晚霞世亂且從軍旅事功
成須插御筵花漢王未可輕韓信尚要生擒李左
車又云西樓柳風吹晚香石榴裙映黃金觴纖歌
不斷白日速微雨欲度行雲涼吟看席上賦鸚鵡
醉聽門前嘶驢驢早晚平吳王事畢羽書飛捷入
朝堂及張氏擅權光弼憤馬遂不事事以詩酒自
娛其詩云一陣東風一陣寒芭蕉長過石闌干兵
消幾度膏騰醉看得春風到牡丹蓋言時事也
元時法禁寬假士夫得以沉昵盤遊故其詩多脂粉
綺羅之態楊廉夫詩云二月皇都花滿城美人多

病苦多情一雙孔雀行瑤圃十二飛鴻上錦箋酒
掬真珠傳玉掌羨分甘露路倒銀罍不堪容易少年
老爭遣狂夫作後生又云天街如水夜初涼照室
銅盤壁月光別院三千紅芍藥洞房七十紫鴛鴦
綉靴蹴鞠勾驪樣羅帕垂鬟女直妝願汝康強好
眠食百年歡樂未渠央又云公子銀瓶分汗酒佳
人金勝剪春花又云金埒近收青海駿錦籠初教
雪衣娘又云小洞桃花落香雪大堤楊柳舞晴烟
又如張光弼詩云玉甌注酒雙鬟綠銀甲調箏十
指寒又云新妝滿面猶看鏡殘夢關心懶下樓一

時富貴繁華可想見矣

薩都刺天錫風流俊逸不亞鐵崖嘗有西湖絕句六
首湧金門外上湖船狂客風流憶往年十八女兒
搖艇子隔船笑擲買花錢少年豪飲醉忘歸不覺
湖船旋旋移水面夜涼銀燭小越娘低唱月生眉
紫騮驕踏落花泥二月江城雨過時拂曉市河春
水滿小船多半載吳姬惜春曾向湖船宿酒渴吳
姬夜破橙驀聽郎君呼小字轉頭含笑背銀燈待
得郎君半醉時笑將紈扇索題詩小紅簾捲春波
綠渡水楊花落硯池垂柳陰陰蘇小家滿湖飛燕

越楊花繁華一去風流減今日橫堤幾樹鴉又次
韻王侍郎遊湖詩綺席新涼舞袖偏賞心輸與使
君專螺盃注酒搖紅浪綵扇題詩染綠烟一鏡湖
光開曉日萬家花氣漲晴天湧金門外春如海畫
舫笙歌步步僊

奉化戴帥初表元宋太學生也入元不仕其湖上贈
歌者一絕有故國之思焉詩云牡丹紅紫艷陽天
檀板朱絲錦色箋頭白江南一尊酒無人知是李
龜年又陳剛中湖上感舊詩屬意畧同詩云昔日
朱樓擁翠鈿女墻猶在草芊芊東風第六橋邊柳

不見黃鸝見杜鵑

黃晉卿潛義烏人至正初爲浙江儒學掾舉工文章
獎引後進不喜華治有西湖舟中詩云黃塵烏帽
媿平生對客猶稱舊姓名此事正堪三太息移令
忍負四難开放舟乍落空濛境送酒无無窈窕聲
金谷蘭亭嗟已矣不妨時暫濯吾纓又送凌吉叟
杭州教授詩浙水西入州維杭實名都古來萬人
海逐逐無賢愚况茲百年後淳朴不如翩翩誰
家兒白馬驕路隅春風樊樓醉一咲百斛珠亦有
朱門客齊謳聞吳歛綃綺散烟霧續紛被僮奴可

憐彼蚩蚩久爲紅塵驅頽俗如波瀾孰障群流趨
又如敗屋壁風雨須人扶博士非冗官豈卽無良
圖當令歌舞場化作絃誦區行矣循所務辭章信
其餘春風捲別衣晴沙秀寒蘆何以贈子行白雲
不可呼聊持狂者言用比貂襜褕

劉師魯汝鄜王琦六世孫也元時占籍錢唐以文章
淑後進黃文獻公潛贈之詩云邂逅神交十載餘
清風落月幾愁予何言此日同傾蓋勝讀平生未
見書天上玉堂客可到山中金盞得長虛故多餘
事宜商略可待秋風怨素居其詩有劉聲之獲亦

與齊名洪武初俱祀于鼎賢祠

貢友初者貢師泰尚書族子也宣城人至正間師泰為浙江行省叅政遂僑寓錢唐友初自上都還錢唐也師泰贈之詩云嗣宗諸姪仲容賢客路飄零雪滿巔曾為頌椒留子美却思戲蠟愛僧虔十年湖海三盃酒百里溪山一釣船何日兵戈得休息敬亭春雨共歸田友初詩才清麗但纖穠乏骨其湖上春歸詩湧金門外柳如金三日不來成綠陰折得長條入城去教人知道已春深吳山遊女詩十八姑兒淺淡粧春衣初試柳芽黃三三五五

風裏去上吳山答顧香獨送戴伯貞還廣西一律云桂江烟水接瀟湘逐客南歸路道長卷裏漫多新制作篋中猶是舊衣裳逢人盡說官如水老我相看鬢已霜此去莫交音問斷鴈飛今喜過衡陽叙事委曲而感慨係之出諸作之上

張行中挽貢友初詩百年心事復誰知過海人傳俊逸詩懶聽朝鷄全晚節慣騎官馬說當時文章自嘆無遺蔭水王還看有故枝一代風流俱已矣曉星殘月不勝悲黃金臺上草芊芊掉臂東風四十年對客半開青白眼寫懷漫賦短長篇王堂春夢

烟雲外茅屋秋風浙水邊惆悵清魂招不返空歌
楚夢淚潸然

鄧林南海人初名觀善以南昌教授擢吏部驗封主
事 成祖改名林後坐法謫戍保安遇赦晚居
杭州詩文爲一代所推重嘗於保安留別傅存齋
詩云兩鬢西風吹斷蓬杖藜扶病看秋容菊花渾
似詩人瘦山色不如歸興濃紫塞一盃桑落酒彤
庭五夜未央鐘燕鴻岐路東西去此後相思意萬
重又春夕旅懷云萬里東風故國情十年幾度鳳
凰城衡陽鴈盡春三月巫峽猿啼夜二更席上狂

言因酒得鏡中華髮爲愁生靜觀貴如雲轉拂
袖歸來任俗爭五月十三日入杭詩遊遍江湖未
到杭不知人世有天堂六橋花柳丹青興九陌樓
臺錦繡粧北米南柴誇物產朝歌暮宴樂時康逐
臣何幸蒙寬卹到此渾忘是異鄉儼屋里仁坊詩
謫居何處好逍遙仁里深深遠市囂夜色滿簾湖
上月秋聲到枕海門潮上林鷓侶空相憶南浦鷗
羣苦見招覆載無私天地濶暫容閒散在漁樵遊
南屏不偶詩蘭珮荷裳竹屐冠清癯無柰朔風寒
飯堂鐘罷來何晚雪夜舟回興已闌俗狀塵容勞

意馬天光雲影動情瀾石頭有路終須到共聽吾
師說六觀

鍾狂客禧南海人甚有詩名成化中淮南督理漕運
總兵官平江伯陳公銳與歸幕下過杭友人招遊
西湖寄之詩鍾和曰湖光山色最宜秋君不來招
也去遊已辨蜀川千丈錦為誰今日盡纏頭萬頃
西湖水貼天芙蓉楊柳亂秋烟湖邊為問山多少
每箇峰頭住一年信乎狂客也

楊溫甫孟瑛四川鄞都人弘治十六年知杭州府時
西湖民間規占者十九溫甫建議于御史車梁僉
事高江銳情濬復而浮言胥動溫甫迺為文諭
曰先賢為民深弘利本特濬西湖之浸用漑上唐
之困多歷歲年漸成湮廢比者鄉賢侍郎何公生
長是邦習知成事著為三說辯析百端伏蒙當道
俯念地方力圖濬復予又職司水土敢憚劬勞重
惟湖上之園池盡是豪家之封殖一旦開毀百口
怨咨民既傷心我亦動念但今民產本昔官湖民
侵于官以肥家固已紀官取于民以復舊豈為
厲民又惟上唐萬頃之田宿仰西湖千畝之水水
盡湮塞田漸荒蕪利歸于數十家害貽于千萬井

况古人留利物之澤豈今日啓生事之端宰相導以平心勿相搖干異說行以占產自首者原情免罪奏請除糧查得銅錢局及崇興崇善禪智等廢寺田以畝計者數千地以頃計者盈百動連阡陌間附城闡膏沃可耕標換如數况在昔湖田皆捏報之稅于今清籍有新增之糧新增者至九百而有奇捏報者幾八百而不足稍加查派不費更張決不累民無患虧賦予性知執法心在利民非勢力之可移惟鬼神之是質凡我父老率爾鄉閭蚤乘移無肆頑梗觀于斯文公之任怨亦劇矣

以正德二年二月二日興工六月十日歇役八月十九日續工九月十二日訖事日用夫八千人銀二萬八千七百餘兩

聶大年號東軒臨川人舉明經為仁和縣學訓導陞教諭襟懷坦率有清才文章流麗詩復俊逸而灑翰得李北海遺意誘育士子務盡恩義薦入翰林修遼金宋三史卒常作西湖十景詩蘇堤春曉云
樹烟花霧遶堤沙樓閣朦朧一半遮
三竺鍾聲催落月六橋柳色帶棲鴉
綠牕睡覺聞啼鳥綺閣粧殘喚賣花
遙望酒旗何處是炊烟起處有人家
柳

浪聞鶯云雨後翻空一派青蘇公堤畔繫漁舸只
藏鶯鳥春聲滑不起魚龍夜氣醒游子愛聞停王
勒佳人倦聽倚銀屏待看三月歌喉老又見浮波
絮作萍花港觀魚云湖上春來水拍空桃花浪暖
柳陰濃微翻荇帶絲千尺亂躍萍星翠幾重洲渚
此時多避鷺風雲何日去爲龍箇中縱有濛梁樂
闊網深層不汝容兩峰插雲云屹立亭亭入杳冥
勢雄南北氣憑陵王簪拔地三千仞寶蓋撐空一
七層天遠不聞風外鐸夜深遙禮月邊燈何當一
榻浮雲靜俯視東溟看日升二潭印月云織雲掃

迹浪花收塔影亭亭引碧流半夜水輪初出海一
湖金水欲鎔秋龍宮獻壁神光吐鮫室清之珠瑞氣
浮浪說影娥池上景不知此地有僊舟麴院風荷
云翠圍紅繞戰縱橫似看吳宮習女兵飛雪翻空
雲影亂遊魚吹浪水紋生錦裳寒落香猶在銅柱
欹斜露半傾兩腋新涼驚酒醒畫船吹送按歌聲
平湖秋月云曾向湖堤夜扣舷愛看波影弄嬋娟
一塵不動天連水萬籟無聲客在船赤壁未醒玄
鶴夢驪宮偏聽老龍眠朗吟王塔微瀾句長咲凌
空氣浩然南屏晚鐘云柳昏花溟暮雲生隱隱初

傳一兩聲禪榻虛驚僧入定猿牕偏惱客令情月
隨逸韻升盤嶺風送道音過風城催散遊人罷歌
舞玉壺銀箭夜初更。雷峰夕照云宜雨宜晴晚更
宜西湖端可比西施霞穿樓閣紅光繞雲捲笙歌
逸韻隨山紫翠中樵唱遠樹蒼黃外馬歸遲何人
解畫瀟湘景併與漁村作二奇。斷橋殘雪云醉裏
曾登白王梯東風吹暖又成泥王腰蟠螭垂天闊
銀色樓臺夾岫迷九井晴添新水活兩峰濃壓宿
雲低衝寒爲訪梅花信十里銀沙印馬蹄同陳緝
熙泛湖詩宿雨初收見兩峰湖光如練瀉晴

唐伍新刊

船載酒來天上青鳥啣花度鏡中檀板歌聲絕
女翰林詩句有唐風相逢莫惜留連飲明日誰人
拾落紅又西湖詩西出江城外烟霞隔世塵鐘聲
三竺曉花氣六橋春鷄犬桃源地笙歌闌苑賓時
平得遊賞忘却宦中身清明與友登寶峰詩江心
後浪催前浪湖上歌聲雜哭聲今日重來多感慨
百年能得幾清明

聶大年詩翰著名一時而不得預京銜或曰大年在
錢唐時嘗署桃符云文章高似翰林院法度嚴如
按察司以此見忤達官晚年被徵修史至京而卒

時人比之梅聖俞宜也其初度日寫懷詩云五十年車下坡又逢初度意如何牀頭漸覺黃金少鏡裏還憐白髮多人笑能詩貧杜甫天容吾飯老廉頗相知惟有梅花在自折南枝伴醉歌又次答祖芳云幾年遠別喜重過白首相看柰老何富貴不來真有命齒牙雖脫尚能歌頻沽市醞消殘燭遙指天星出絳河惟有與君情莫逆他人平地起風波嗚呼四海交游豈止一祖芳而已哉蓋以寡合有激而云然耳劉邦彥哭大年詩京邸淒涼寄病身俄聞鵬鳥上承塵共嗟賈誼年華促自顧虞

翻骨相屯千里音書成永訣九重泉路隔交親傷心今夜東軒月空照先生漉酒巾

聶大年之掌教仁和也歷官九年不以家眷自隨嘗有答內子寄衣詩云山妻憐我舊蘇秦寄得衣來穩稱身落日故園歌白苧秋風京洛染緇塵同心意重思偕老結髮情深不厭貧萬里不如歸去好幾多衣錦夜行人又有諭兒輩詩云四兒五歲六兒三莫與肥甘習口甜清白傳家無我愧詩書世業要人擔三餐淡飯何須酒一筋黃蘗略用塩聞說有人曾餓死算來原不爲官廉覩此高風可想

矣

聶大年在仁和時山西湖廣廣東廣西咸以秋闈校士致聘大年辭不往寄之詩云名藩校藝遣徵書使者頻煩走傳車老大難行太行路平生厭食武昌魚五羊城古僊遊遠八桂雲寒樹影踈寄語天涯好知己莫因詞賦薦相如

聶大年嘗賦卜算子二首蓋自况也詞云楊柳小蠻腰慣逐東風舞學得琵琶出教坊不是商人婦忙整玉搔頭春筍纖纖露老却江南杜牧之懶爲秋娘賦粉淚濕鮫綃只怨郎情薄夢到巫山第幾峰

酒醒燈花落數日尚春寒未把羅衣看眉黛含顰爲阿誰但悔從前錯馬浩瀾和云歌得雪兒歌舞得霓裳舞料想前身跨鳳僊合作蕭郎婦顏色雪中梅淚點花稍露雲雨巫山十二峰未數高唐賦花壓鬢雲低風透羅衫薄殘夢曾騰下翠樓不覺金釵落幾許別離愁猶自思量着欲寄蕭郎一紙書又怕歸鴻錯

孫太初一元號太白山人正德中流寓西湖或曰安化王裔避亂詭姓名修髯哲面丰儀瀟灑望之宛然神僊也詩思清逸有烟霞氣其跨驢遊西山天

竺寺詩秋葉蒲林吹亂紅秋光半在山寺中老衲
迎門解幽事一見呼我長髯公薰爐相對坐終夕
松聲泉韻何冲融獨鶴隔竹向人立欲鳴未鳴幽
意同氣酣日落豪興發詩成三繞青桂叢造物小
兒玩人世俯仰何必悲無窮布袍斗笠自高格狂
歌醉舞驚山翁歸來明月散林影驢背仰笑秋山
空秋晚睡鎮海樓詩樓上輕雲散女婢樓前狂客
獨支頤江當夕照半添色詩與秋山兩鬪奇木葉
無言時序暮塵寰多事杖藜知只應又被漁郎笑
雨細風斜歸去遲登吳山絕頂望江潮詩獨倚危

岑岍接羅晚潮初上練痕齊亂槳鼉鼓妖蛟舞倒
捲銀山海日低予等千年人去後帆檣萬里望中
迷憑誰喚起眉山老爲誦錢王廟裏題

西湖之改名高士湖也孫太白自序云正德乙亥孟
春十四日予與石川子泛舟西湖時石川子着方
山冠予戴華陽巾被高士服把酒四望予顧謂石
川子曰昔青蓮居士李白與尚書郎張謂泛沔州
南湖因改爲郎官湖今日予與子遊頗追蹟前事
西湖因可爲高士湖矣石川子大笑酌酒于湖命
予詩紀之予時已爛醉卽信口長短成篇不窳易

一字云我聞唐家李白一世賢郎官之湖至今傳
我今與子繼其蹟勝事豈許昔人專方冠野服興
不減駕船載酒凌蒼烟千山萬山兩岼如羣龍蜿
蜒盡在几席前青天落盃底白日行舟邊鼉鼉突
兀波面出大魚小魚爭避船君把斗酒我歌扣絃
天風下來雲葉翩翩爛醉騎鯨遊崑崙崑崙

孫太白之寓西湖也與閩人鄭繼之善大善其夢繼
之詩云不見平生鄭廣文風塵側望隔青雲殊方
物色偏憐客雨夜燈花頻夢君隔葉山鳩高自語
避人江鶴獨爲羣眼中世事堪惆悵塞北音書久

未聞鄭繼之久不過湖上奉簡詩恠爾狂吟客不
過湖水濱盃遭官長罵莫待野人嗔雲外烏藤杖
水邊白鷺巾相看只自好空送月華新鄭繼之寄
孫太白詩吳門往日聽談玄塞鴈江鱗動隔年聞
爾獨居水西寺與誰同泛六橋船魚翻荇帶錦不
亂鳥下蘼蕪青可憐擬把節筒共梅蔬兼程定得
小春天又云爲問山人孫太初交情歲晚莫教踈
孤山梅萼春相惱滿地松苓日自鋤江夏肯容爾
處士茂陵初臥馬相如知君不廢茗溪釣書帛能
無寄鯉魚西湖過孫山人舊隱詩荒迷更踏西湖

路露烏雲裳空六橋涕淚翻悲竹林宴笛聲月色
傍中宵醉歌亂詫魚龍出此地曾傳麟鳳標今日
孤山最孤寂梅花桂樹更蕭條

西湖遊覽志餘第十二卷

才情雅致

錢唐田

汝成

輯撰

羅昭諫隱新城人博物能詩唐昭宗時遊京師不遇
歸謁武肅王辟為錢唐令尋掌書記時鏐初授鎮
海軍節度命沈崧草謝表盛稱浙西繁盛成以示
隱隱曰是自賈征索也請更之乃極言兵火凋弊
有天寒而麋鹿來遊日暮而牛羊不下之語廷臣
見之曰此羅隱詞也又賀昭宗更名曄表曰左則
姬昌之半字右則虞舜之全文京師稱為諸鎮第

一云然性傲睨好議評臧否探隱命物往往奇中
故至今杭人稱前定不爽者猶云羅隱題破也
潘道遥闖錢唐人以詩名宋太宗將官之辭不就與
王繼恩善繼恩敗捕之遁弗得咸平初京尹收繫
之真宗赦其罪以爲滁州參軍卒於泗上初闖在
錢唐與道士馮德之約歸骨於天柱山德之囊其
骨歸塋焉闖與王元之孫何柳開魏野最厚暇則
放懷湖山隨意吟咏人目爲謫僊云嘗有錢唐晚
歸詩一首祖無擇以爲不減劉長卿也詩云久客
見華髮孤棹桐廬歸新月無私照落日有餘輝漁

浦風水急龍山烟火微時聞沙上鷓一一背人飛
又有過華山詩云高愛三峰插太虛帶頭吟望倒
騎驢旁人大笑從他笑終擬移家向此居好事者
畫爲圖魏野贈詩云昔賢放志多狂怪若比而今
總未如從此華山圖籍上又添潘闖倒騎驢又夏
日宿西禪院詩此地絕炎蒸深疑到不能夜涼知
有雨院靜似無僧枕潤連雲石牕明照佛燈浮生
多賤骨時日恐難勝蘇子瞻深喜之

沈文通遣錢唐人乞石初舉進士後知杭州踈儻博
達明于吏治今禁上以公錢嫁民間孤女數百

人倡優養三父子不奪歸其父母善遇僚屬皆甘
傾爲之耳日刺問甚長短嘗禁捕西湖魚蟹故人
居湖上蟹夜入其扉適會客食之旦詣府道迎語
曰昨蟹美乎客驚謝嘗鑿井引湖水以便民至今
稱沈公井其送施密守錢唐詩云塞外風烟河上
塵歸來始覺二毛新承明自厭頻趨直滄海還思
一濯巾幕府旌旗初壓境畫船歌吹便行春湖山
蒲日舊遊在何日從公醉紫萼所著有西溪集
沈睿達遼遘弟也趣操高爽能詩王安石甚重之有
風流謝安石瀟洒陶淵明之稱坐法流池州得九

華秋浦間喜曰使我自擇不過爾耳築室齊山名
曰雲巢所著有雲巢編蘇黃皆與倡和

沈存中括遘從父也舉進士編校昭文書籍定三歲
郊丘之制考渾儀景表五壺浮漏造新曆募天下
上太古書神宗稱善忤蔡確出知延州募軼羣
之士得徹札超乘者千餘時朝廷出宿衛兵戍鎮
賞賚至再而不及鎮兵括以爲衛兵雖重而無歲
不戰者鎮兵也賞不均且召亂乃藏勅而矯制賜
緡錢以驛聞詔報嘉之括博學善文而喜詆諧劉
貢父嘗詰之值括澡體盆中便慟大括驚問故貢

父曰死矣盆盛括括亦大笑所著有長興集筆談
關子淵沼杭州人元祐間為翰林學士將辭歸隱士
孔夷贈之詩云吳越聲飛二十年緇衣空復歎遺
編紫芝眉宇風塵外太白文章錦繡前可是石渠
方載筆未應水國要歸田他年雪裏相逢處能記
騎驢孟浩然其清標絕俗如此

強幾聖至錢唐吳山里人刻苦攻詩韓魏公甚重之
所著有祠部集其戲贈賈麟自睦來杭將復如蘇
詩春風那解繫狂遊朝醉桐江暮柳州大手千篇
隨地掃一身四海學雲浮榮名不落閒宵夢退築

聊為晚歲謀老櫓殘鱸猶有興片心歛起洞庭舟
周美成邦彥錢唐人踈雋少檢不為州里推重而博
涉百家元豐初游京師獻汴都賦神宗奇之累官
徽猷閣待制提舉龍圖閣直學士知制誥兼修國
清蔚名其居曰玉堂中其小製思難心云衣染鶯
黃愛停歌駐拍香酒持觴似影動私語口脂
香簷露滴空翠舞新劇飲淋漓夜夜新不籠燈就月
子細細坐看春盡天說無雙縱使春去木怕周郎
長聲知有春去要不成粧此句甚妙人勝試說與
何妨又恐伊人消問息瘦減春容格大率類

此

美成晚歸錢夢錫中得瑞雉然
郭行路云云去車亭漢溪村陽快山落歛餘紅猶
戀孤城想魚波步雲過
勸我重解酒
扶醒眠朱閣驚魂動暮酒
是花深無地東風何事又惡任流光過却歸來洞
天自樂未幾方臘亂自桐廬入杭時美成方宴客
倉皇出奔趨于西湖墳菴適際殘冬落日在山忽
逢故人之妾奔逃而來乃與小飲于道旁旗亭聞

鶯聲于木杪少焉分背抵菴尚有餘醺因卧小閣
之上恍如詞中所云逾月入城故居皆遭蹂踐矣
後得請提舉洞霄宮而終老焉

白廷玉珽錢唐人博綜經史所著有湛源集方回劉
辰翁稱其詩逼陶韋書逼顏柳嘗著西湖賦二首
考據精核其湖樓玩雪詩上湖十里捲簾中幻出
瑤華第一宮山勢蹴天銀作浪柳行撲地玉爲虹
渙篔簹鶴氅同爲我爵舌圭主不負公明日鳳城朝
退蚤一鞭曾約試吟驄
春菲傳是諸王與后妃香霧漸深簾幕暗日斜惟

見淡黃衣脉脉吹香屋角梅
苦風移燭小簾開
鳳城幾日元宵近
一片簫聲水上來
龍舟曉發斷橋西
別有輕舟兩兩隨
春色可人晴較穩
酒家爭出柳梢旗
相國平泉水竹居
吳山花石世間無
遊人馬上休回首
一半春風在裏湖
雨後林深夏亦秋
一葫蘆酒在船頭
醉來深入荷花去
卧看青天飛白鷗
三賢猶得仰高風
冠服雖殊氣味同
後五百年無繼者
桃花含笑夕陽中
車魚人散水風腥
雨色涼分柳外晴
回首夕陽都落盡
忽然東向數峰明
萬樹芙蓉兩葉宮
秋風開遍水邊叢
白牆遮盡

紅牆出只見紅牆
一半紅酒邊贈朱處士詩
烏葛唐巾白苧裘
掃庭終夕共淹留
醉中談論心猶壯
老去歌歡淚亦流
對客呈詩如獻佛
課兒收橘當封侯
明年好理西風權
重約三吳爛熳遊

葉太白李錢唐人或曰富陽人賈似道當國時行公
田關子兩法民間苦之李上書力詆且獻鈔式以
代關子似道怒黥流嶺南及似道敗赦還而似道
亦有漳州之謫相值於途太白贈之詞云君來路
吾歸路來來去去何時佳公田關子竟何如國事
當時誰與誤雷州戶崖州戶人生會有相逢處客

中頗恨乏蒸羊聊贈一篇長短句宋亡入元上書
獻鈔式世皇嘉納遂為至元鈔仕至中書左丞
錢思復惟善錢唐人博學能文章以浙潮賦起名其
首句云維羅刹之巨江今實發源于太末試官嘉
之遂中選蓋其時滿場無知羅刹為浙江者後作
西湖竹枝詞十首有云阿姊住近段家橋瞿元範
戲之云此段家橋創見却與羅刹江不同也瞿宗
吉嘗盡和之云昨夜相逢第一橋自將羅帶繫郎
腰願郎得似長江水日日如期兩度潮又云裏湖
外湖波渺茫兩岼人家多種桑採桑不怕霧露濕

惟願朝朝逢着郎大為思復獎許張氏堽吳遂不
仕退居吳江筒川與楊廉夫倡和有句二公笠澤水
寒魚尾赤洞庭霜落樹頭紅又云漢史下公那及
齒陶詩甲子不書元蓋感時事也

葉居仲廣居仁和人天資超邁才力絕人仕至浙江
儒學提舉築室西泠橋陶情詩酒所著云月自得齋
集自題隱居詩瘦木栽冠鶴鬣輕十年塵土厭飄
零小山舊隱雲封戶大藥新成月滿庭
龍虎氣碧霄春躡鳳皇翎西風客舍炎
琴心內景經

仇仁近遠號山村錢唐人元初為溧陽州儒而學教授

工詩文一時遊其門者若張雨張翥莫維賢皆有

名當時所著山村集洪武初祀於杭學鄉賢祠其

湖上值雨詩波痕新綠草新青有約尋芳苦不晴

莎徑泥深雙燕濕柳橋烟淡一鶯鳴山園故苑春

常鎖泉落低畦暖未耕十載舊踪時入燕畫船多

處看傾城同段吉甫泛湖詩西湖春碧深無泥畫

舫朱簾傍岫移寒食清明初過後杏花楊柳乍晴

時從教西日催歌鼓莫放東風轉酒旗口八恐明朝

成雨去暗驚濃綠上高枝同陳彥國泛湖四詩斜堤

高柳綠連天且繫閒人書畫船花事已空三月後

湖光還似百年前洛陽園面惟詩在江左英雄托

酒傳亦欲扣舷歌小海恐蘄沙上白鷗眠陪戴祖

禹汎湖分韻得天字詩冉冉夕陽紅隔雨悠悠野

水碧連天山分秋色歸紅葉風約蘋香入畫船鐘

鼓園林已如此衣冠人物故依然當歌對酒腸堪

斷倒着烏巾且醉眠和韻胡希聖湖上詩曾識清

明上巳時懶隨蜂蝶步芳菲梨花半落雨初歇杜

宇不鳴春自歸雙塚年深人祭少孤山日晚客來

稀江南尚有餘寒在莫倚東風褪絮衣連作湖山

五日游沙鷗慣識木蘭舟清明寒食荒城晚燕子
梨花細雨愁賜火恩榮皆舊夢禁烟風景似初秋
鳳絲龍竹繁華意猶爲西林落日留秋日西湖園
亭詩西湖一曲百泉通漠漠青山遠梵宮故國園
林秋色淨明朝風雨桂花空銀笙玉笛清歌外畫
舫朱簾落照中人物風光兩相稱兒童遮莫笑山
翁陸靜復爲園詩連轡行春自作期尋芳却笑我
來遲三盃雲液花前酌一曲瓊簫竹下吹滄海桑
田非舊日石泉槐火有新詩山中道士閒於鶴門
外紅塵總不知閒居絕句詩堦前紫萼金絲草籬

角紅垂錦帶花梓澤平泉易消歇春留富貴與詩
家茶甌紗帽慣迎賓不是詩人卽道人細雨斜陽
君莫出綠陰門外有紅塵

高孟升得賜錢唐人洪武間以文學薦授臨安學教
諭陞高州學教授未樂初召爲宗人府經歷纂修
大典爲副總裁記聞博洽詩文純雅名重一時所
著有節庵集嘗作錢唐十景詩西湖夜月云共說
西湖天下景秋來有月更奇哉寒波拍岸金千頃
灑氣涵空玉一杯桂子遠從雲外落藕花多在露
中開酒船清夜乘清興絕勝笙歌日往來浙江秋

濤云秋滿吳天八月中潮頭萬丈駕西風雲驅蛟
蜃雷霆闖水擊鯤鵬渤澥空南古江山誇壯麗至
今父老說英雄諸溪近海徒相應氣勢那能與此
同孤山霽雪云山頭白首六花鋪水向青青一髻
孤翠鳳搏雲朝貝闕玉樓警自出水壺梅花正好
衝寒探竹葉何妨踏凍沾千載林逋留勝迹總因
佳境在西湖兩峰白雲云西湖之上兩奇峰高入
太虛雲氣中華蓋漸迷青縹緲浮圖時見碧玲瓏
陰連海眼龍歸洞影散天心鶴繞空幾度登臨舒
遠眺英英佳氣盪吟胸東海朝暎云一道長江接

海門扶桑影動浴朝暎銅盤迥立仙人掌柱中
撐玉女盆出水赤烏啣火躍隨潮白馬挾雷奔負
暄亦有磯頭老欲効微芹獻至尊北關夜市云北
城晚集市如林上國流傳直至今青苧受風搖月
影絳紗籠火照春陰樓前飲伴聯游袂湖上歸人
散醉襟闌闌喧闐如晝日禁鐘未動夜將深九里
雲松云喬松萬樹總良材九里青雲一逕開雲氣
直從天竺去濤聲長傍海門來人行道上依濃樾
子落僧前點嫩苔山水清暉增偉觀托根元不愧
徂徠六橋烟柳云畫橋六曲繞湖頭最愛晴烟柳

上浮淺水籠寒橫
靄微風熏暖弄
輕柔金梭隱見聞
黃鳥錦纜紫紆出
絲舟徧倚赤闌頻
注目爲憐張緒舊
風流靈石樵歌云
靈石塢頭樵逕連
羣樵唱和石頭前
猿啼鶴唳清相似
野調山腔近自然
木杪綠厓通窈窕
竹根濯澗雜潺湲
浚白雲過處清風
發吹入長松勝管
絃冷泉猿嘯云冷
泉亭外松千樹時
有老猿啼樹間
逐侶出雲風動壑
呼兒歸洞月橫山
曉空蕙帳人初去
秋入荷衣客未還
清響不同巴峽怨
時時孀婦和潺潺
和貢友初西湖詩
佳趣誰全得閒情
自軼羣買舟聽夜
雨立馬

看春雲酒伴期相共
詩題得屢分西湖天下景
皮句昔曾聞約人遊湖詩
明日湖中去先期問畫船
分醪開鵬棧裹茗試春泉
知已能齊會同心托就
延段家橋畔柳拂曙看鶯遷

高孟升晚春曲香雨飄紅
換新絲雛鸞怨咽參差玉
畫闌墜露泣殘妝遠翠
愁山蛾黛蹙勞勞乳燕說
烏衣海天疑雲烟草迷
東流苦長西日短惆悵花
前鷄鵲卮繡幕深沈雨
聲小夢入神山良夜悄
鏡裏韶華又一年曲渚
鷄鳴錦屏曉瞿宗吉春曉曲
子規啼罷東方白香露
寒凝海棠魄帳捲流蘇
夢

乍醒妝臺試點宮梅額鶯儔燕侶乘風來隔林巧
語傷幽懷金錢買花不論價俏枝斜插雙頭釵瞳
瞳紅日射牕牖曉霧如烟薰翠柳鞦韆嬾蹴綵繩
閒滿頰胭脂中卯酒二篇詞調俊逸風致可想也
凌彥翀雲翰仁和人博通經史領至正十九年鄉薦
除平江路學正不赴作梅詞霜天曉角一百首柳
詞柳稍青一百首號梅柳爭春韻調俱美洪武初
舉杭州府學訓導陞成都府學教授卒所著有柘
軒集其南山飛流亭詩山溜泠泠來不竭激成飛
瀑散空明虹霓下飲秋無際河漢西流夜有聲橫

劍誰思仙子過作亭人笑老僧清平生慣誦天台
賦不記香爐記赤城重過柳洲寺詩買花載酒憶
當年風景依稀最可憐彭澤有人歸栗里海波何
處變桑田聯拳鷺立枯荷雨寂寞鴉棲古樹烟幾
度湧金門外望居民猶說總宜船西湖漁者詩家
住錢唐西子湖釣竿幾度拂珊瑚扁舟載月歸來
晚不覺全身入畫圖

洪武庚申冬彥翀爲人題鍾馗圖云朔風吹沙目欲
眯官柳搖金梅綻葉終南進士僂然起束帶藍袍
靴露趾手掣硬黃書一紙若曰上帝錫爾祉蝟磔

于思含老齒願指守門茶與壘肯放妖狐搖九尾
一聲爆竹人盡靡明日春光萬餘里題罷掀髯自
得不數日辟書臨門迫脅上路到京竟有成都之
行遂成詩識在任以乏貢舉謫南荒卒歸骨西湖
瞿宗吉作詩送之云一去西川隔夜臺忍看白壁
寒蒼苔酒朋詩友凋零盡只有存齋冒雨來

楊復初築室南山以村居為號凌彥神以漁家傲詞
畫之云采芝步入南山道山深宛似蓬萊島聞說
村居詩思好還被惱蒼苔滿地無人掃載酒亭前
松合抱客來便許同傾倒玉兔已將靈藥搗秋意

早月華長似人難老復初和詞云當時承望求仙
道那知薄命如郊島留得殘生猶自好多懊惱塵
緣俗慮何時掃子已成童無用抱醉眠任使和衣
倒今歲砧聲秋未搗涼氣早看來只恐中年老瞿
宗吉和詞云喜來不涉邯鄲道愁來不竄沙門島
惟有村居閒最好無事惱蒼苔階竹徑頻頻掃有酒
可斟琴可抱長年擬看三松倒白肉靈砂親自搗
歸隱早朝廷未放玄真老宗吉既和此詞而復序
云舊譜皆以仄聲起歐公呼范文正為窮塞主首
句所謂塞上秋來者正此格也他如王荆公之平

西泠詩集卷之二
三
斫小橋千嶂抱周清真之幾日春陰寒惻惻謝無
逸之秋水無痕清見底張仲宗之釣笠披雲青嶂
遠亦皆如是今二公皆以平聲易之特著此以俟
知音爾

彥猷作無俗念詞云等閒屈指算今來古往誰爲英
傑耳目聰明天賦予怎肯虛生虛滅去燕來鴻飛
鳥走兔世事何時歇風波境界大川不用頻涉空
踏遍萬戶千門五湖四海一樣中秋月正面相看
君記取全體本來無缺空裏非空夢中直覺莫向
癡人說須騎鶴夜深朝禮金闕又蝶戀花詞云一

色杏花三百樹茆屋無多更在花深住旋壓小槽
留客醉舉杯忽聽黃鸝語醉眼看花花亦舞風妬
殘紅飛過隣牆去恰似牧童遙指處清明時節紛
紛雨詞格清逸一洗鉛華非駢金儷王者比也

莫景行雜賢錢唐人雅尚標致築別業于靈竺之間
繞栽杏樹號曰杏園日與騷人墨客遊詠其中時
人比之輞川庄也黃潛詩云灰移小隱傍南峰遠
有成平處士風山態近人猶礙蹇湖光無雨亦溟
濛行春杖履時時到臨水軒窓面而通別作新亭
供戲劇青帘搖曳杏花中張輿詩云文園近日復

何如杏樹莊頭好隱居塵隔不知城市熱門開只
見稻麻踈碧窓清甚開評藥綠樹涼風獨枕書喜
得江村殘暑退筇屐擬欲到行盧洪武初曾爲杭
庠訓導所著有唐吳子稿其祖凝少真人者前元
時高士也卒葬棲霞嶺虞邵庵爲之碑記張行中
爲之賦詩云相國流芳到棣華隱居湖上對棲霞
清運後凋神仙境幽勝孤山處士家華表秋宵空
落月杏莊寒食幾飛花如今獨有雙碑在人物俱
非重可嗟

潘時雍錢唐人簡淡力學詩句脫塵號灌園生徐一

夔爲之序曰錢唐潘時雍讀書賦詩廉介自將視
當世富貴雖非不願欲者使其脂韋取容以僥倖
一時寧貧賤而肆志郡城之東二百步而近有地
十餘畝古井一區宋輦院基已入于居民久矣荒
棄弗治暇日過之徘徊相顧曰是豈不足爲吾
生乎旣而語得之亦治一畝爲廬用其餘地析而
爲畦縱橫一畦如基一畦如池一畦如井水以灌已
棹井上一畦如畦則攝斲畦則攝斲青若綠雲覆
地喜曰共父母妻子

供具而... 唐陸海... 象犀珠... 則子白金... 望也又其地... 守法而已... 醫衆技苟... 道致位顯... 降德之意... 其言又居... 諸市... 輟或曰錢... 管前之所生... 富千金為母... 此者家相... 承平丞相... 爵祿人卜... 跋涉遠... 衢中世... 驚動世俗... 取寵榮顧乃

何哉時雍曰嘻夫尺有所短寸有所長彼所能者我則不能吾亦豈能枉吾之性以我所不能為彼之能故寧自附于農家者流使人稱之曰灌園生灌園生不辭也嗟夫習俗之移人也久矣自今以往錢唐之人不尚貨殖而尚德義不尚奔競而尚恬退不自時雍始乎余固序其出處以為趨附聲利者勸焉時雍嘗為一夔賦獨樹軒詩瀟灑幽軒面水開軒前老樹倚雲栽閒來倚杖過三匝醉後支願看百迴風雨欲隨龍化去雲霄常聽鶴飛來結隣擬共榮枯事遮莫人知是散材

張行中與仁和槎溪人洪武初上書論時務稱旨授
刑部主事詞翰清麗弟行素輅咸有文名兄弟友
愛所著有聯輝集行世秋日湖中詩風波千頃畫
船開吹近芙蓉影裏來倒捲綠霞翻舞袖斜飛白
雨溢行杯總宜園冷花無主蘇小墳空草作堆為
倩金戈揮落日秋聲莫向樹頭催湖上分韻得香
字詩晴麓雲橫萬里長出門步步是春光近湖酒
閣多紅杏隔岼澗家盡綠楊蕭鼓聲寒心自醉綺
羅魂冷骨猶香漫遊不是矜年少贏得閒情似洛
陽約可閒老人訪王藥圃詩明朝寒食風日晴可

閒欲同湖上行先拾王立園上翠却聽瑤石山
鶯茶鐺煩為試新火杏酪不須和冷飴君若肯將
花逕掃日高相與到此高次韻元宵詩月到中宵
午漏深青衫羅薄露華侵鰲浮仙島春無際人下
歌樓醉不禁大地金蓮分夜色上方王燭慰民心
歸來更有傳柑宴坐列宮欽十二金闈王立本江
上觀潮詩兩月竟違王翰面近聞無事看胥濤鳳
凰相對暮雲合牛馬平分秋水高望去波瀾接天
宇坐令霜雪侵髣毛江臯賴有遠文學應與論詩
對濁醪江潮詩羅刹江頭八月潮吞山挾岒勢雄

豪六鰲倒捲銀河濶萬馬橫奔雪嶂高自是乾坤
通氣脉應非神物作波濤吳兒弄險須臾事坐看
平流濟萬艘行素次韻王志道元夕感興詩沈水
香生寶篆烟九衢車馬正喧闐金蓮徧燭三千界
銀甲誰彈五十絃天上樓臺春靡靡人間風月夜
娟娟少年行樂情懷異絳蠟籠紗六轡聯

遂西阜者元左丞魯曾孫也占籍錢唐工文翰有雅
趣仕行省都事內附後棄官居西湖八十五歲卒
張行中嘗贈之詩云無官貧亦樂有暇趣徧寬身
世雙蓬鬢功名一釣竿透窗蟾影淡落枕鴈聲寒

猶恐梅開早扶筇雪裏看又云冠製黃楊窄巾
皁葛寬仙衣新鶴氅吟杖小龍竿日短棋消暇風
高酒禦寒興來書數紙禪子已能看又八十古難
能風流事慣曾醉防醒眼怒老畏少年憎鶴髮垂
寬領鰓身倚瘦藤吟談殊未倦把酒勸山僧子宏
洪武初選補杭州府學生從徐大章年十八陳時
政得失高皇帝悅之試秋柳賦稱旨吏部奏宏
年少賜歸卒業尋以鄉貢歷教淞江武進宏子端
舉進士官刑部員外郎永樂中扈從北征死于戰
瞿宗吉佑錢唐人學博才瞻風致俊朗少不爲其父

所知鄉人張彥復自福建檢校回家瞿翁殺雞具酒待之宗吉年十四適自學舍歸彥復指雞爲題命賦之宗吉應聲云宋宗憲下對談高五德聲名五彩毛自是范張情義重割烹何必用牛刀彥復大加稱賞手寫桂花一枝并題其上以贈云瞿君有子早能詩風采英英蘭玉姿天上麒麟元有種定應高折廣寒枝瞿翁遂構傳桂堂而凌彥冲丘彥能吳敬夫咸鄉文與爲忘年友一日楊廉夫訪之出所作香奩八詠以示宗吉宗吉悉和之其花塵春跡云燕尾點波微有暈鳳頭踏月悄無聲黛

眉顰色云恨從張敞毫邊起春向梁鴻案上生金錢卜歡云織錦軒窗聞啾語採蘋洲渚聽愁吁香頰啼痕云班班湘竹非因雨點點楊花不是春廉夫嘆服曰此瞿家千里駒也洪武中以薦舉授臨安學訓導累陞周府長史所著有存齋集

永樂間宗吉以詩禍下錦衣獄盱江胡子昂亦以詩禍踵至子昂以東坡係御史臺獄二詩索瞿和瞿詩云一落危塗又幾春百憂交集未亡身不才棄斥逢明主多難扶持望故人有字五千能講道無錢十萬可通神忘懷且共團樂坐蒲炷爐香說善

因酸風苦霧雨淒淒愁掩園扉坐榻低投老漸思
依木佛受恩未許赦金雞艱難饋食憐無母辛苦
迴文賴有妻何日湖船載春酒一篙撐過斷橋西
已而宗吉謫戍保安者十年時興河失守邊境蕭
條求樂已亥降佛曲於塞下選子弟唱之時值元
宵宗吉淒然作望江南五首云元宵景野燒照山
明風陣摩天將夜半斗杓插地過初更燈火憶杭
城元宵景巷陌少人行舍北孤兒偎冷坑墻東婺
婦哭寒檠士女憶杭城元宵景刁斗擊殘更數點
夕烽明遠戍幾聲寒角響空營歌舞憶杭城元宵

景默坐自傷情破甕三盃黃米酒寒牕一盞濁油
燈宴賞憶杭城元宵景淡月伴踈星戍卒抱關敲
木柝歌童穿市唱金經蕭鼓憶杭城

宗吉西湖秋泛蒲庭芳詞露葦催黃烟蒲駐綠水光
山色相連紅衣落盡辜負採蓮船點檢六橋楊柳
但幾箇抱葉殘蟬秋容晚雲寒鴈背風冷鷺鷥肩
華筵容易散愁添酒量病減詩顛况情懷冲澹漸
入中年掃退舞裙歌扇盡付與一枕高眠清閒好
脫巾露髮仰面看青天又西湖四時望江南詞西
湖景春日最宜晴花底管絃公子宴水邊羅綺麗

人行十里按歌聲西湖景夏日止堪遊金勒馬嘶
垂柳岍紅粧人泛採蓮舟驚起水中鷗西湖景秋
日更宜觀桂子岡巒金粟富芙蓉洲渚綵雲間爽
氣滿山前西湖景冬日轉清奇賞雪樓臺評酒價
觀梅園圃訂春期共醉太平時

宗吉平日著作數亡者蓋不少也暇日得其逸稿律
詩近體共十五篇錄以自適題則天故內詩堪恨
當年武媚娘手持唐璽坐明堂不思僊李方三葉
却愛蓮花似六郎廢苑荆榛來雉兔故宮禾黍沒
牛羊尚餘數仞頽垣在遙對龍門山色蒼秋日書

懷詩五窮何日是歸年幾費奴星結柳船善僕
求司馬賤癡心欲借尉遲錢六通未具難成佛九
轉無疑謾學仙一事尚爲今日幸免供徭役爲無
田暮春書事詩過墻新竹翠交加綠樹陰陰噪乳
鴉花到醪醪香結局鳥鳴鴟鴞客思家煮茶湯沸
風聲轉夢草詩成日影斜零落殘紅青子滿漸看
金彈熟枇杷睡起呼童掃落花石泉槐火試新茶
樹林深處蜂王國簾幙陰中燕子家柳絮乘風投
硯水竹枝搖影落牕紗幽居莫道無官况鼓吹猶
存兩部蛙旅舍書事詩過却春光獨掩門澆愁謾

有酒盈尊孤燈聽雨心多感一劍橫空氣尚存射
虎何年隨李廣聞雞半夜舞劉琨平生家國繫懷
抱濕盡書衫總淚痕霜屋三間白板扉棲遲四壁
嘆多違楊雄投閣功名薄王粲登樓事業非白晝
夢回梁燕語青天目送塞鴻歸東門黃犬華亭鶴
舉世無人悟此機清明卽事詩風落梨花雪滿庭
今年又是一清明游絲倒地終無意芳草連天若
有情滿院曉烟聞燕語半牕晴日照蚕生鞦韆一
架名園裏人隔垂楊聽暎聲夜涼詩瀟瀟木葉打
窻扉又送新涼入敞帷煖不及時秋後雨淡而有

味客中詩還家自愧蘇秦婦交友誰知蔡克兒不
寐起來搔首坐繞庭促織替人悲題伍胥廟詩一
過鼓祠淚滿襟英雄自古少知音江邊敵國方嘗
膽臺上佳人正捧心入郢共知讎已雪沼吳誰識
恨尤深素車白馬終何益不及陶朱像鑄金有感
詩世事年來似奕棋可堪歲月去如馳肉生髀骨
英雄老金盡牀頭富貴遲蹈海莫追天下士折腰
難事里中兒可憐滿眼新亭淚對泣無人只自悲
夏晚納涼詩竹床藤簟晚涼天卧看星河小院偏
雲影恰如衣暫薄月華那得扇長圓清泉冷浸冰

西清志會卷二
盤果嘉樹香籠寶鼎烟想是高樓風更爽玉人間
按十三絃清明賦絕句詩無句踏踏在京華又見
東風御柳斜客裏不甘佳節過借人亭館看梨花
池河道中詩牽牛花碧莖花黃血色蜻蜓點水忙
人在漁村斜照裏數聲短笛隔垂楊齋居觀物詩
蕉葉陰陰艾葉香菖蒲苗短菊苗長夜來知有蝸
牛過一道銀光在粉牆出巢新燕傍簾帷乳鴨浮
沉水滿陂葉底青虫時節至化為蝴蝶上花枝
宗吉風情麗逸見之詩篇者往往有歌扇舞裙之興
金公素謂之司空見慣者誠然也夏時正修杭州

府志獨不錄其詩詞而白蘇楊薩偃紅倚翠之篇
悉皆裒採豈非貴耳而賤目者哉宗吉嘗著剪燈
新話一編粉飾閨情假託冥報雖屬情妖麗遊戲
翰墨之間而勸百諷一聞有可采或謂秋香亭記
乃宗吉事使其果然亦元微之會真意也桂孟平
讀此書而作歌一篇語涉諷刺而思致穠縟可誦
也其詞云山陽才人疇與侶開口爲今闔爲古春
以桃花染性情秋將桂子薰言語感離撫遇心怍
怍道是無憑還有憑沉沉帳裏晝吹笛煦煦窓前
宵剪燈倏而晴兮忽而雨悲欲啼兮喜欲舞玉簫

倚月吹鳳凰金柵和烟鎖鸚鵡造化有跡尸者誰
一念纔萌方寸移善善惡惡苟無失恠恠奇奇將
有之丈夫未達虎爲狗濯足滄浪泥數斗氣寒骨
聳錚有聲脫幘目光如電走道人青蛇天動搖不
斬尋常花月妖茫茫塵海漚萬點落落雲松酒半
瓢世間萬事幻泡爾徃徃有情能不死十二巫山
誰道深雲母屏風薄如紙鶯鶯宅前芳草棲燕燕
樓中明月低從來松栢有孤操不獨鴛鴦能並棲
久在錢唐江上住厭見潮來又潮去燕子啣春幾
度回斷夢殘紅落何處還君此編長嘯歌便當酌

以金叵羅醉來呼枕睡一覺高車駟馬遊南
宗吉漫興詩云自古文章厄命窮聰明未必勝愚蒙
筆端花與曾中錦賺得相如四壁空蓋有激而云
然也又書生嘆云書生嗜書被書惱居不求安食
忘飽微吟朗誦無了期妻怨兒啼隣里誚東家郎
君孤白裘終宵醉眠寶釵樓西家壯士金鎖甲萬
里勇斬樓蘭頭堆金積玉誇豪貴眼底何曾識丁
字休言富貴有危機信知文字真愁具從今投筆
復棄書擬學東臯農把鋤妻復苦諫兒搔手近來
差科重田畝其感時傷事抑又甚焉馬浩瀾感其

詩作畫堂春詞云蕭條書劍困埃塵十年多少悲
辛松生寒澗背陽春勉強精神且可逢場作戲寧
須對客言貧後來知我豈無人莫謾沾巾乃今瞿
馬之名照耀文苑當年牢落安足嘆耶

王希範洪仁和人永樂間年十八舉進士授行人入
翰林檢討與修永樂大典爲副總裁陞侍講主考
禮闈時胡文穆公總裁國史希範因言其書徵處
士胡祺于五星聚奎之下若以其祥爲祺發者公
爲祺子疑有私焉且國家文明正不藉此爲重文
穆公從之而心憾其言尋改禮部主事部之長缺

詔洪署部印練習稱旨詔作佛曲序洪逡巡不敢
應制遂爲同列所排不復進用晚得末疾卒著作
多散落不存存者毅齋存稿其遊西湖詩紅蓮白
蓮開滿湖小娃唱歌閒且都故人相會能幾度美
酒何妨傾百壺雙拳藏闔握松子萬錢賭勝賽樗
蒲暮歸酪酏白馬上誰識山翁非酒徒夏日間居
詩綠竹蒼松引夏涼方塘曲沼藕花香兩峰獨對
空山靜一鳥不鳴清晝長春得細糧如王子釀來
新酒勝瓊漿人主快意能如此何用荒唐入醉鄉
陳士寧仁和人涉獵書史喜賓客與同邑鄭璧夏誠

西泠志卷之二
二十五
交莫逆如兄弟然皆好吟詠時時同棹湖中狎玩
魚鳥蓄古法書名畫藝器相過品鑒有通家好士
寧之母與壁之母皆高年奉之均爲子行母歿互
服總麻士寧居鹽橋七寶巷中又徙獨山全斯立
贈之詩云青字營西小巷幽衡門寂寂思悠悠一
生清事無閒日夾徑黃花滿院秋賣帖偶逢官巷
口評詩共宿獨山頭誰知擾擾紅塵裏荷蕢行歌
得自由張輅詩云橫溪別業錦雲鄉紅白蓮花薛
荔墻百事不關心獨許孤雲無着興偏長佳人雪
藕供微醉童子分茶坐晚涼如此好懷誰解寫詩

成還讓孟襄陽

桂孟平衡仁和人洪武中爲錢唐學脩業齋訓導遷
山東轉谷濟奉祀卒于長沙所著紫薇稿其送王
惟中代屠先生詩秋來忽得桂衡書又報王郎去
聽除若右鄉情須記我便生官况也從渠山中歲
月三邊鴈客裏饕餮兩饌魚此去上林方校獵要
因奏賦識相如蘇李泣別圖詩我生自恨不如死
君死誰知更得生十九年前今日泪都無一點爲
功名九日陪陳廣文貢有道游伏龍岡新庵詩又
客思歸未賜環登高且上鳳凰山空將青眼看重

九不見
露一斑
老境更從天
卜健僧房常記
客倫
文不是無官舍
那得清幽似此間
春暮
詩忍將愁眼看
韶華桃李無言
日月斜晚白菜肥
蠶出火冬青花落
燕成家歸田誰復
如宿簋入室
今惟對影嗟無可
奈何聊且睡不勞
春夢繞天涯
雲濤軒詩高臺圖
畫自天閣下有軒
居亦壯哉雲
氣四時多似雨濤
聲八月大如雷直
看槎泝天潢
去莫遣舟乘雪夜
回擬待他年具舟
楫中流小試
濟川才安節堂詩
晚節何由得此安
阿兒能孝母
心竟蟾蚌曉饌來
江浦絡緯秋聲上
井闌松栢耐

於化易過衣裳備是綵宜看登堂為爾歌眉壽春
酒香灑木李子方

白雲天

卷之十
易經
卷之十
易經

